

ხელშეკრულება სახელმწიფო შესყიდვის შესახებ N95

ქ. თბილისი

06.07.2021 წ.

ჩვენ, ერთი მხრივ, ქ. თბილისის მუნიციპალიტეტის საკრებულოს აპარატი, მდებარე: ქ. თბილისი, თავისუფლების მოედანი N2, წარმოდგენილი პირველადი სტრუქტურული ერთეულის ხელმძღვანელის (აპარატის უფროსი) ელენე დუმბაძის სახით (შემდგომში „შემსყიდველი“), ხოლო, მეორე მხრივ, შპს „ორიენტ ლოჯიკი“, მისამართი: ქ. თბილისი, ვასო გოდიაშვილის ქ. N71, წარმოდგენილი დირექტორის ვაჟა ნასყიდაშვილის სახით (შემდგომში „მიმწოდებელი“), ვხელმძღვანელობთ რა „სახელმწიფო შესყიდვების შესახებ“ საქართველოს კანონითა და სხვა მოქმედი კანონმდებლობით, ვდებთ წინამდებარე ხელშეკრულებას შემდეგზე:

შემსყიდველმა ჩაატარა ელექტრონული ტენდერი აუქციონის გარეშე (სატენდერო განცხადების ნომერი NAT210011066):

ელექტრონული ფოსტის უსაფრთხოების სისტემის სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის შპს „ორიენტ ლოჯიკის“ სატენდერო წინადადება, რომლის თანახმად მიმწოდებელმა (შპს „ორიენტ ლოჯიკი“) აიღო ვალდებულება მიაწოდოს შემსყიდველს (ქ. თბილისის მუნიციპალიტეტის საკრებულოს აპარატი) ზემოაღნიშნული ობიექტი 11 545 (თერთმეტიასას ხუთასორმოცდახუთი) ლარად, ხელშეკრულებით გათვალისწინებული თანმდევი ხარჯების (საქართველოს კანონმდებლობით გათვალისწინებული ყველა გადასახადისა და გადასახდელის, ასევე ყველა ხარჯის, რომელიც დაკავშირებულია საქონლის შესყიდვასთან) ჩათვლით (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ- „ხელშეკრულება“)- შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი და კლასიფიკატორის კოდი

2.1 ხელშეკრულების შესყიდვის ობიექტია: ელექტრონული ფოსტის უსაფრთხოების სისტემის სახელმწიფო შესყიდვა თანდართული ფასების ცხრილის შესაბამისად.

2.2 კლასიფიკატორის კოდი: 487 000 00; 487 300 00.

3. საპატენტო უფლებები

პროდუქტის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი

4.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი, რათა დარწმუნდნენ პროდუქტის შესაბამისობაში ხელშეკრულებით გათვალისწინებულ პირობებთან.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

4.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს ქ. თბილისის მუნიციპალიტეტის საკრებულოს აპარატის მესამე რანგის პირველი კატეგორიის უფროსი სპეციალისტი (პროგრამული უზრუნველყოფის განყოფილება) ზაზა კერესელიძე.

5. მიწოდების პირობები და გარანტია

5.1 მიწოდება განხორციელდება: ხელშეკრულების გაფორმებიდან 10 (ათი) სამუშაო დღის ვადაში, ელექტრონული ფოსტაზე- gvkesadze@tbsakrebulo.gov.ge.

5.2 მოწოდებულ პროდუქტს ვრცელდება გარანტია 1 (ერთი) წელი და მხარდაჭერა მწარმოებლისგან 1 (ერთი) წლის განმავლობაში.

6. შესყიდვის ობიექტის ხარისხი

მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარებას განახორციელებს ქალაქ თბილისის მუნიციპალიტეტის საკრებულოს აპარატის მეორადი სტრუქტურული ერთეულის (პროგრამული უზრუნველყოფის განყოფილება) ხელმძღვანელი გიორგი კვესაძე.

7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

8. ანგარიშსწორება

8.1 ანგარიშსწორება მოხდება: ლარში.

8.2 გადახდის ფორმა: უნაღდო.

8.3 ანგარიშსწორება მოხდება: ქ. თბილისის მუნიციპალიტეტის საკრებულოს 2021 წლის ბიუჯეტიდან, მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

9. ფასები

9.1 შესყიდვის ობიექტის ფასი განისაზღვრება: ლარში.

9.2 შესყიდვის ობიექტის საერთო ღირებულება შეადგენს 11 545 (თერთმეტიათას ხუთასორმოცდახუთი) ლარს.

9.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10. ხელშეკრულებაში ცვლილებების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, „სახელმწიფო შესყიდვების შესახებ“ საქართველოს კანონის მოთხოვნათა გათვალისწინებით.

10.4 ხელშეკრულების პირობების ნებისმიერი ცვლილება უნდა გაფორმდეს ურთიერთშეთანხმების აქტის სახით, რომელიც ჩაითვლება ხელშეკრულების განუყოფელ ნაწილად.

11. უფლებების გადაცემა

11.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი უფლება-მოვალეობები მესამე პირს.

11.2 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისთვის მთლიანი ან დარჩენილი უფლება-მოვალეობების გადაცემის თაობაზე, აგრეთვე მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

11.3 შეთანხმების მიღწევის შემთხვევაში უფლება-მოვალეობების გადაცემა (მთლიანად ან ნაწილობრივ) ფორმდება წერილობითი სახით შემსყიდველს, მიმწოდებელსა და მესამე პირს შორის.

12. ხელშეკრულების პირობების შეუსრულებლობა

12.1 მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

12.2 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.02%-ს ყოველ ვადაგადაცილებულ დღეზე.

12.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12.4 საჯარიმო სანქციით დაკისრებული თანხა გადახდილ უნდა იქნას მხარისთვის (მიმწოდებელი) აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვეში.

13. ხელშეკრულების შეწყვეტა მისი პირობების შეუსრულებლობის გამო

13.1 შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:

ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;

გ) იმ შემთხვევაში, თუ მიმწოდებლის მხრიდან მიწოდების ვადების დარღვევის პერიოდი აღემატება 15 კალენდარულ დღეს ან ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს;

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) მიმწოდებლის გაკოტრების შემთხვევაში;

ვ) საქართველოს კანონმდებლობით გათვალისწინებულ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

16. ურთიერთობა ხელშეკრულების დამდებ მხარეებთან

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი გზავნილი უნდა მოხდეს ფოსტის საშუალებით, ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

18. ხელშეკრულების მოქმედების ვადა

წინამდებარე ხელშეკრულება ძალაშია 2021 წლის 30 აგვისტოს ჩათვლით.

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

19.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.


შემსყიდველი:

ქ. თბილისის მუნიციპალიტეტის
საკრებულოს აპარატი
მის.: თავისუფლების მოედანი N2
სახელმწიფო ხაზინა
ბ/კოდი TRESGE22
ა/ა GE 24 NB 0330 1002 0016 5022
ს/კ 204 495 055

მიმწოდებელი:

შპს „ორიენტ ლოჯიკი“
მის.: ქ. თბილისი, გომიაშვილის ქ. N71
ს.ს. „ბაზის ბანკი“
ბ/კოდი CBASGE22
ა/ა GE 96 BS 00 0000 0005 9368 72
ს/კ 202 052 054

ელენე დუმბაძე



ვაჟა ნასყიდაშვილი

ხელწერილი

ინტერესთა კონფლიქტის არარსებობის შესახებ

ქალაქ თბილისის მუნიციპალიტეტის საკრებულოს აპარატის მესამე რანგის პირველი კატეგორიის უფროსი სპეციალისტი (პროგრამული უზრუნველყოფის განყოფილება) ზაზა კერესელიძე, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ვადასტურებ, რომ, ქალაქ თბილისის მუნიციპალიტეტის საკრებულოს აპარატის მიერ, 2021 წლის 18 ივნისს, ელექტრონული ფოსტის უსაფრთხოების სისტემის სახელმწიფო შესყიდვაზე გამოცხადებულ ელექტრონულ ტენდერში აუქციონის გარეშე (სატენდერო განცხადების ნომერი NAT210011066) ხელშეკრულების შესრულების კონტროლისა და ზედამხედველობის განხორციელებისას არ ვიმყოფები ინტერესთა კონფლიქტში მიმწოდებელთან (შპს „ორიენტ ლოჯიკი“).

ზაზა კერესელიძე



ფასების ცხრილი

პრეტენდენტის დასახელება : შპს“ორიენტ ლოჯიკი“

შესყიდვის ობიექტის დასახელება	პროდუქტის დასახელება	მწარმოებელი	ღირებულება
1	2	3	4
ელექტრონული ფოსტის უსაფრთხოების სისტემა (ტექნიკური დავალების - დანართი 1-ის შესაბამისად)	BSFiV300a-v1 Email Security Gateway Virtual License 300 Subscription	Barracuda	11 545 ლარი დღგ-ს გათვალისწინებით

მოწოდებულ პროდუქტზე ვრცელდება გარანტია - 1 წელი და მხარდაჭერა მწარმოებლის მიერ 1
წლის განმავლობაში

ORIENT
LOGIC
LLC

Digitally signed
by ORIENT
LOGIC LLC
Date: 2021.06.28
11:35:48 +04'00'

ზოგადი მოთხოვნები:

- სისტემა წარმოადგენს ვირტუალურ მანქანას.
- მხარდაჭერილი იქნება შემდეგი ვირტუალიზაციის პლატფორმები:
 - ESXi
 - Hyper-V
 - Xen
- სისტემას აქვს 2 ვირტუალური ბირთვის მხარდაჭერა.
- სისტემას შეუძლია დაიცვას 1000 აქტიური მომხმარებელი.
- სისტემას აქვს შესაძლებლობა დაიცვას 250 დომენი. სისტემას გააჩნია შემდეგი ტექნოლოგიების და ფუნქციონალის მხარდაჭერა:
- როგორც შემომავალი ასევე გამავალი წერილების დაცვა.
- ადრესატთან დაშიფრული მეილის გაგზავნა.
- ფუნქციონალის სხვადასხვა დონეზე კონფიგურირება(სისტემა, მომხმარებელი).
- მეილებზე 3 ტიპის მოქმედების განხორციელება: დაშვება, ბლოკირება, დაკარანტირება.
- მომხმარებელს შეუძლია ელ-ფოსტის უსაფრთხოების გეითვეის ვებ ინტერფეისის საშუალებით საკუთარ კარანტირებული ელ. წერილების ნახვა.
- მომხმარებლის როლური დაშვების შესაძლებლობა: მომხმარებელი, დომენის ადმინი, HELP Desk ადმინი.
- syslog სერვერთან ინტეგრაცია.
- სისტემას აქვს შესაძლებლობა DNSBL,RBL_ის დახმარებით ამოიცნოს “ცუდი” სერვერები IP მისამართის მიხედვით და დაბლოკოს ისინი.
- დროის გარკვეულ მონაკვეთში ერთი IP მისამართიდან მიღებული მეილების რაოდენობის შეზღუდვის შესაძლებლობა.
- დაბლოკოს/დაუშვას ადმინისტრატორის მიერ შექმნილი IP მისამართების/ქსელების სია.
- დაადასტუროს გამომგზავნის ავთენტურობა (SFP,DKIM)
- მიმღების ვალიდურობის LDAP სერვერის დახმარებით(Active Directory, Novell eDirectory, Domino Directory, OpenLDAP) შემოწმების შესაძლებლობა.
- მიმაგრებული ფაილების გაფართოების მიხედვით დაბლოკვის შესაძლებლობა.
- ისეთი არქივების ბლოკირების შესაძლებლობა, რომლებიც დაცულია პაროლით.
- მიღებული სურათების ანალიზის გაკეთების შესაძლებლობა(OCR).
- ე.წ. სპამ ელ.წერილების აღმოჩენის შესაძლებლობა ლინგვისტური ალგორითმის საფუძველზე ე.წ. Bayesian Analysis
- მეილების შეფასების სკალობრივი სისტემა(ე.წ. spam scoring), რომელიც შეაფასებს მეილში არსებულ საფრთხეს. ადმინისტრატორს აქვს შესაძლებლობა

“ქულის“ მიხედვით განსაზღვროს დაბლოკოს თუ დაუშვას მეილი

- მეილ სერვერზე(MS Exchange) აგენტის ლოკალურად დაყენების შესაძლებლობა, იმეილ ტრაფიკის ლოკალურად დასაცავად.
- სისტემა იმართება ვებ ინტერფეისის საშუალებით(<http>/<https>).
- სისტემას გააჩნია, როგორც ლოკალურად, ასევე ვენდორის საიტის საშუალებით მართვის შესაძლებლობა(ე.წ. cloud control).

ORIENT
LOGIC
LLC

Digitally signed
by ORIENT
LOGIC LLC
Date: 2021.06.28
11:33:00 +04'00'